



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

Et Tertio. De Iis Qvae Fivnt In infimo Transformationis modi descendentis.
Paraphrasis XII.

urn:nbn:de:hbz:466:1-9766

videndo illustrat, illustrando perficit: interea amatiuam vim tam subtiliter alliciens, ut videndo Pulchrum ita subtiliter à consortio diuinæ naturæ afficiatur, ut quodammodo operationes substantiae separatae attingat, & adæquatè, id est, tam spiritualiter diligit, sicut intelligit; toto hominis composito in

pace silentique gaudio, sibi proportionatis modis confruente; idque tamdiu, quoadusque constanter animaduertat, sese ob continuum descensum ad infimam regionem deuenire: quo facto, ad ea, quæ sequentí paraphrasi dicuntur, transendum erit.

ET TERTIO

DE IIS QVÆ FIVNT IN INFIMO TRANSFORMATIONIS MODI DESCENDENTIS.

PARAPHRASIS DV ODECIMA.

Gratia Dei diffusa a est in cordibus nostris per Spiritum Sanctum, qui datus est nobis. ac si diceret, sicut in summo spiritus proprius ad altiora se non admittebatur, ita & in spiritu proprio, inferioris hominis machina tanquam ab eminentiori se, substare cogebatur. descensu ergò Transformationis declinante, spiritus proprius non amplius in media; sed infima regione viuere, & degere habet: ita ut ipsa quoque hominis inferioris circumferentia, proportionatis sibi modis, & actionibus spiritualibus diuinis coniungatur, percipiatque, quam intimè gratia Dei diffusa sit in cordibus nostris per Spiritum sanctum, qui datus est nobis: pro ut in sequentibus dicendum est. &

- I. Propria operatio quamdiu in infimo Transformationis descendenter veratur, est silentij mystici quieta fruitio.
- II. Obumbratio diuinæ fruitionis in homine inferiori vinacissima quiete poscidetur.
- III. Plena fruitione continuò descendit, quousque, sicut spiritum diuinum; ita & spiritum proprium suprase in alto videat.
- IV. Remittente lumine Transformationis, descensus in profundo habitacionem constituit.

V.

a Rom. 5.

- V. Obumbratione fruitionis silentiosè in abyso interioritatis paulatim disprente, spiritus admiratio subsequitur.
- VI. Despirituali profectu, duriatione & transitu ad statum Transformacionis modi ascendentis.

ARTICVLVS PRIMVS.

Propria operatio quamdiu in infimo Transformationis descendantis versatur, est silentij mystici quieta fruitio.

Perambulauimus terram, & ecce omnis terra habitatur, a & quiescit. ac si diceret, ô pia anima, quam admirabilis, & grata nimis est illa hominum concordia; totus enim mundus diligenter à nobis visitatus, altum silentium tenet, non quidem ex eo quod pauci homines in illo sint, fortè bello, fame, & peste sublati; sed quod terra habiteatur, & hominibus plena sit. atque vnanimi consensu omnes quiescunt, nemo clamitat, discordias excitat nemo; sed pace vniuersali deletantur singuli. verum quam longè felicior est illa animæ quies, in qua omnis terra inordinata affectione olim turbata, nunc autem pacatissima subiectione silet, ac inferiores vires superioribus subiiciuntur integrè, rationisque imperio; sicut etiam instinctui Spiritus Sancti promptè, & hilariter obediunt: & hoc quidem non aliundè, quam ex abundantí amicitia Dei, omnes totius compositi humani potentias bene-afficiente, vñq; ad ipsum corpus, quod suo, sibiique proportionato modo, reficitur, gaudet, & ossibus suis omnibus dicit, Do-

mine quis similis tibi? sicut ergò in supremo spiritus divini pia anima fertur circa Deum ut excelsum, & superexaltatum; in medio autem, ut circa magnum; sic iam in hac infima regione, circa Eum versatur ut paruum, & collecta, ac silenti ratione circumvolutiones mysticas operatur, perficitque, tam diu, quoisque ad abyssorum infinitatem descendendo, diuinæque sapientiæ latibula profundè scrutando; tandem à summo Transformationis modi descendantis, per medium ad infimum usque pertranseat. pro ut articulatè hic consequenter explicabimus.

Obumbratio diuinæ fruitionis in homine inferiori vnuacissima quiete possideretur.

ARTICVLVS SECUNDVS.

Pater Sancte, ego pro eis rogo, ut habeant gaudium meum b implatum in semetipſis. ac si diceret, ô pia anima, tanta est diuini amoris in te diligentem communicatio, ut ei non satisfiat, si per promissionem vita æternæ consoletur, aut per eam, quæ vera est fides, aut quæ est obiecti, & tendentia in bonum à te distinctum, aut quod modo adsit, modo absit; sed ut in semetipſis gaudium diuinum habeant imple-

a Zach. x. b Ioan 17^y

impletum. sicut medicus non in alio riter, & vt in propria , & sibi proportionata, infimaque hac regione hoc ipsum contigerit.

Iam verò pro actus exercitio, obumbratio diuinæ fruitionis, quæ hic viuacissima quiete possidetur ; vt præambulum , & vitalis bene in Deo afficiens dispositio deserenda est ; dein libero, & soluto spiritu ad eum , qui his longè præstat , internus visus dirigendus erit , siue hic sursum , siue deorsum, dextorsum , vel sinistrosum inclinet, ac ibidem videndo paulatim similium motuum , seu tendentiarum imagines, & notitias deserat, protinusque ad diuinum pulchrum videndum conuerat, spiritualiter illustret , amoris autem præstantia mentis actiones transcedens diuino bono indicibiliter iungatur ; interea sic continuò descendendo, vt tamen ab eo quem diligit anima non separetur , pro ut hic consequenter ostendimus.

*Plena fruitione continuò descendit, quo-
usque sicut spiritum diuinum; ita &
spiritum proprium supra se
in alto videat.*

ARTICVLVS TERTIVS.

Q Mnem a creaturam , quæ in cælo est , & super terram , & sub terra , & quæ sunt in mari , & quæ in eo , omnes audiui dicentes : Sedenti in throno , & Agno , benedictio , & honor , & glo-

a Apoc. 5.

& gloria, & potestas in secula seculorum. ac si diceret, ô pia anima, quam completa est illa lætitia, & Dei perfetta laus, in qua vñanimi consensu, omnia quæ sunt, Deum benedicunt; non tantum ista, quæ ex natura sua perfectiora, elevata, & in coelo sunt; sed etiam media, quæ scilicet super terram sunt; imò etiam infima, quæ nimirum sub terra sunt: quin imò etiam illa, quæ in mari sunt, & infatigabili commotione agitantur. ita, vt aspectus ille mentis, ad euagationem pronus, & molestia, quæ ex distractionibus oriri, & tanquam in mari tumultuoso animales appetitus inquietare solet, adhuc in plena quieta, silentio, ac fruitione persistant; licet spiritus diuini, & spiritus proprij regionem iam supra se deseruerit, & ad illa, quæ sub terra, & inferioris sunt situs indies magis descendat. quo ita nimirum discat, Diuinitatis extensionem vbique, & à quacunque re (pro cuiusque conditione) honorem, & gloriam exigere, solemnique suum oriti facere super omnes interioritatis modos, quibus omnibus mobilibus mobilior sapientia, sapida illa fruitione se communicare voluerit; æquè amicè, ac familiariiter in infimis, ac in medijs, quam summis. plena ergò illa conformitas interioritatis, ad inferiorem hunc descensum hoc præstat; vt & hic diuina maiestas adsit, bonitatisque suæ vitaes bene-affidentias distribuat; non

obstante eo quod regiones tam spiritus diuini, quam spiritus proprij, supra se dispartuisse agnoscat.

Ad actus exercitium autem quod attinet, ipsa conformitas, & consensus in descensum, seu profundiorem mentis situm, extensionemque, & quidquid simul vitalis in Deo bene affientiae possederit; hoc ipsum totum, & simul, vt praæambulum, & imperfectum quid deserat; dein, vt poterit, amica, ad Eum, qui his longè præstat tendentia, secundum adæquatum visum, & motum, id est, vt non plus amet, quam intelligat, nec plus intelligat, quam amet; mentale exercitium instituat, & silentiosa admodum, ac subtili vita in Deo viuat, alatur, eorum quæ circa se sunt oblita. & hæc quanta industria, & ad interiores vicissitudines conformitate fieri debeat, consequenter dicemus.

*Remittente lumine Transformationis,
descensus in profundo habitatio-
nem constituit.*

ARTICVLVS QVARTVS.

Quid lucidius a sole, & ipse deficiet. ac si diceret, ô pia anima, licet quis vixerit multis annis, & in his omnibus delectatus fuerit, meminisse debet tenebrosi temporis; quodque omnia

a Eccl. 17.

omnia sub cœlo suis concludantur spatiis, ac naturalis inconstantia iura obseruerat, idque ad ipsius solis usq; splendorem, qui in tempore suo deficiet; quamvis ipso lucidius nihil sit in tota mundi machina. & pari quidem modo circa tua interiora fieri debere obserues velim; licet enim dum in summa spiritus diuini, & media spiritus proprij regione non posses credere vñquam futurum eiusmodi, quem ab aliquo tempore, & nunc maximā sentis, super splendentis diuinæ illustrationis defecit; hoc ipsum tamen præsens remissio, & inferior in quo habitas, viuis, & operaris, mentalis situs, satis in praxi euincit; ita vt sub collecta ratione, & eo modo, quo Deus parvus esse dicitur, humili, & intra teipsum absconditè, cœu in centro, & puncto in infinitum diuisibili; te ei coniungere habeas, cuius circumferentia nusquam, & centrum ubique est. & certè vt hoc ipsum experiaris, quod scilicet diuina circumferentia sit nusquam, cum iam eius extensio, (sive secundum altitudinem, sive sublimitatem, seu excedentem magnitudinem accipiatur) disparuerit, centrum autem eius sit ubique; hoc nusquam melius, & ad viuum perfectius experiri licebit; quam hoc loco, quando lumen Transformationis, ex continuo descensu remisisse, diutina experientia repertum fuerit; ita vt in præsentiarum habitationem tuam, in ipso profundo constituere debeas: in quo etiam quantò intiuīs visum, circumferentiam, & quidquid in sanctis

a Psal. 44.

imaginibus (quaæ diuinæ essentiaæ quasi particulaæ quædam resultant) inueniatur, depresso; tantò pacatori silentio in centro spiritus tui, punctum infinitum, & indiuisibile diuinitatis, vitali gustu, benignè suscipes.

Quod ergo remittente lumine Transformationis, ex continuo descensu in profundo habitationem tuam constituas, & circa Deum sub collecta ratione procedas, & prout Parvus consideratur, hoc ipsum totum sit tantum preambulum, imperfecta operatio, proxima tamen dispositio ad exercitium actus. pro quo (postquam hæc omnia deserueris) silentiosè, & spirituali visu, illum qui his omnibus longè præstat, intuaris, eiusque pulchrum videndo, & bonum amando; vt potes, intimè oportet constringas, & constringendo renoues, foucas, at fruaris, idque sub collecto Nunc, & Parvo, ad minima quæque: pro vt constabit ex sequentibus,

Obumbratione fruitionis silentiosè in abyssō interioritatis paulatim disparente, spiritus admiratio subsequitur.

ARTICVLVS QVINTVS.

AByssus a abyssum inuocat in voce catarrarum tuarum. Ac si diceret, ô pia anima, sicut ille, qui in profundissimam vallem descendere habet, cum aliquo tempore ad inferiora deuenerit; ille quidem si supra se aspiciat, se ad profunda descendisse videbit: at si ad inferiora oculos dirigat, abyssum aliam

Ii sibi

sibi substratam animaduerteret, nec profundi finem, aut fundum reperiet; nisi post varios descensus rande iter suum absoluat, non sine tristi, & timida surrectione, ex voce cataractorum, aquarumque defluentium, & perstrentium, contracta. ita prorsus tibiueniat oporter, priusquam à summo cœlo egressio tua usque ad inferiora terræ, & obumbrationis, diuinæq; fruptionis dispensantiam deueniat. hinc etiam silentiosè, & penè inaduertenter indies magis, magisque se elongat interior benè ordinata harmonia superiorum, & inferiorum potentiarum, tanquam non amplius, ea quæ prius, diuinæ fruptionis obumbratione contuta; qua tamen hucusque ex abundantia superioribus in inferiores vires influxu, veluti in cucumerario, ab æstu inordinatarum passionum protegebatur; vnde etiam muscitare incipit humanae naturæ miseria, nuditasque, nec non admirabunda subcogitare, quid de hac tam vacua interioritate tandem furarum sit.

Quapropter ad exercitium actus. loco præambuli, & operationis imperfæctæ, sint hæc omnia; scilicet quod obumbratio diuinæ fruptionis indies magis deficiat; quod inordinatae passiones quodammodo sentiantur, aut saltem pia anima vicinè ad cor, vnde exire possunt cogitationes malæ, deducatur; quodque inferior homo, quid tandem futurum sit, admiretur; hæc inquam & similia stent loco suo in pace bona: dein collecta visu, silentiosè admodum, a Vt habetur art. seq. b Proh. 20,

spiritualis oculus ad eum dirigatur, cuius centrum ubique est, circumferentia autem nusquam, ibique aspicio diuinum Pulchrum, & Bonum, eo etiam fruatur, & renouando tam visum, quam inde productum amorem, fruptionem continuet; ac etiam toto suo esse, habere, sentire, & vivere bene contenta persistat, etiam si (interea quod abyssus abyssum inuocando) indies ad inferiora tam profundè descendat, ut in exercitio actus non plus de Deo sensibiliter officiatur, quam sit ipsa simplex de Deo cogitatio, hoc ipsum namque spiritualis amoris profectus, secundum suam perfectionis lineam consideratus omnino expetere a videtur, vnde licet hic continuo procedatur medio nō eleuato; sed collecto, paruo, & tandem in minimo quodammodo puncto; in re tamen, & pro ut ipsa unitatis coniunctio, in spiritu post omnium similiūm desertionem contingit, tam perfectè operationes mystica formantur, ut aliter fieri nec possint, nec debent ordinario cursu, (etiam domini sapientiae supernaturalis) spectato, quam verò perfecto, & tamen lento progressu hæc contingent, priusquam modus Transformationis descendenter mutetur, iam consequenter dicimus,

De spirituali profectu, duratione & transitu ad statum Transformationis modi ascendentis.

ARTICVLVS SEXTVS.

Vcerna Domini b spiraculum hominū, quæ inuestigat omnia secreta ventris. Ac

Ac si diceret. Ô pia anima, supereminen-
tis illa Dei charitas, quę tanquam lu-
cerna altissimi, super caput tuum splen-
didè ardebat, & cœlica illa sanitate affi-
ciebat; ita ut te Deus custodiret, spiritu
suo te obumbrans, quoisque deficere
videreris, terre non sustinens præ ni-
misi ad visionem patriæ propè acce-
dētibus delicijs, (quę ex confortio di-
vinæ nature profluere solebant, ea, qua
hucusq; toto statu Transformationis
modi descendantis ostensum est, ordi-
nata variatione) hæc, inquam, charitas
secundum spiritualem profectum, tam
altam in te radicē fixit, vt sit quodam-
modo sicut proprium tuum spiracu-
lum, & halitus; sine quo non potes vi-
vere, quique ex imis visceribus tuis e-
mittitur, & vsque ad cordis intima la-
tibula penetrat, nec quidquam etiam
minutissimum præterit, quoadusq; ex
toto quidquid ex modo descendantis
Transformationis, etiam vel modicē
afficit, ex integro consumat linea enim
maioris radicationis in charitate, sicut
ad minutissima, (tanquam ad quædam
diuinæ bonitatis vestigia) se extendit:
ita & spiritualis profectus augmentum
in maximè infimis docet inuenire, fo-
uere, & gaudere in eo, qui ita in se sum-
mus, omnibusque alijs longè, & in infinitum
præstantior est, vt simul etiam
cum simplicibus sit sermocinatio eius;
ac in minimis, vel per vnicam stillam

magnitudinis eius, tota spiritus nostri
capacitas, plenariè satietur.

Iam verò priusquam unus talis inte-
ger à summis per media, ad infima us-
que descensus, per intermedias regio-
nes, vbi, ac situs mentales, innumerabili-
lesque operationes, seu verba mystica
finitur; & vnum quodammodo ver-
bum affirmatiuum, quo Deum omnia
supereminenter esse quibusdam minu-
tis loquutionibus continuò dicebat,
perfetè absoluat: facilè octo, decem,
vel plures annos effluxisse mirabitur il-
le, qui tam in se, quam in alijs, diutina
experientia perspicax factus, pretio-
sum à vili separare didicerit: attamen si
quæ pia anima nullis publicis occupa-
tionibus impedita, libero, & soluto
spiritu, ac supereffluenti amoris ma-
gnitudine mysticæ exercitationi vaca-
re possit, facilius quoque ac citius v-
num talem descensum absoluet.

His igitur peractis, ita ut amplius
fruitionis, obumbrationisue diuine su-
persit nihil, & naturæ pondus reuixe-
rit; vitalis autem illa bene-affidentia,
quæ ceù lanitas propria in seipso, & ut
connaturalis præexistebat, constanter,
& perseverant: i duratione defecerit, ac
etiam fragilitatis humanae blandimen-
ta, & inferioris hominis iura iterum
subire debeat: ad ea quę in statu Trans-
formationis modi ascendentis hic con-
sequenter dicuntur, transeundum est.